

**Landesbibliothek Oldenburg**

**Digitalisierung von Drucken**

**Bibliotheca Smithiana, Seu Catalogus Librorum D. Josephi  
Smithii Angli Per Cognomina Authorum Dispositus**

**Pasquali, Giovanni Battista**

**Venetiis, 1755**

Lexicon Graecum

**urn:nbn:de:gbv:45:1-844**

rum fidem professus, ut nullo odio, sic nullo amore retulit, nihil falsi dicere, nihil veri omittere ausus. In scribendo enim ne suspectus quidem unquam fuit aut gratiæ aut similitati aliquid tribuisse. Rerum rationem, qua ordo temporum, regionum descriptio exigitur, nemo historicorum diligentius observavit. Jam consilia, acta, eventus ut, dii boni, expedit? & de consiliis quod probet, quod non. In rebus gestis non solum quod actum est, sed quale; de eventu vero omnes causas explicat, casus sapientiæ, temeritatis; hominum porro non solum res gestas, sed quæ fama, quod nomen, quæ natura, quæ vita. Quo artificio omnes mea sententia facile vicit, ita creber rerum frequentia, ut verborum prope numerum sententiarum numero sequatur; ita dein verbis aptus & pressus, ut nescias utrum res oratione, an verba sententiis illustrentur. In concionibus (audeo enim promere quod sentio) Livio quoque anteferendus, magis tamen Sallustii argutam densitatem, quam hujus amplitudinem imitatus. Hunc primo legens laudabis eloquentiam; cum iterum in manus sumpseris, mirum acumen deprehendes, & miraberis; ubi contubernalem reddideris, sæpe artificiosa docebit varietate, immensaque jucunditate delectabit. Vale decus & præsidium meum.

L E X I C O N   G R Æ C U M .

*Clarissimo, ac doctissimo Viro Magistro Francisco Ferrario  
Philosopho, ac Medico*

*Frater Joannes [1] Carmelitanus, salutem plurimam dicit.*

**N**ON difficulter adductus sum, vir humanissime ac sapientissime, ut hortatu tuo dictionum græcarum interpretem in commune græce discere cupientium adminiculum imprimendum, quanta potuerim diligentia, favente summo & optimo Deo, lucubratum calligatumque redderem. Tamen quod olim authographum ad te dono missum est, mi Franciscæ, ad unguem correctum, ut mea fert opinio, tibi satis erat: perspicaci tamen tu ratione usus & consilio, ut es vir prudentissimus, multo enucleatius conscriptum iri, quod publice ederetur, & ad quamplurimorum vel peritissimorum manus perveniret, vel aliquando æmulum nostrorum, si qui sint, subiturum examen non temere judicasti. Quod cum & ipse ita habere existimem, quam potui limatissimum, rerumque bonarum refertissimum reddidi. Negare equidem non ausim, quin quæ ad amicos privatim, & intra

[1] „ Omnium primus, qui post renatas -- e  
veteri lethargo litteras Lexico Græco Latino  
consciendo manum admovit *Joannes Cresto-*  
*nus*, seu *Cyastonus*, ut alii vocant, Placenti-  
nus, Italus Natione, Carmelita & Doctor Pa-  
piensis. Hic enim anno 480. & seq. clarus at-  
que ob eruditionem, referente Simlero in Bibl.  
d. Guil. Tardivo, Bono Accursio, F. Philo-  
pho & Ptolem. Spagn. commendatus, præter  
Grammaticam Græcam, *Lexicon* quoque Græ-  
co Latinum scripsit, Venetiis 1492. editum.  
Hæc Morhof. in Polyhistore Lib. IV. cap. VIII. qui

insuper Henr. Stephani de Crestoniano Lexico ju-  
diciam assert hujusmodi: *Iis* (Cajebat Steph. in  
Epist. de statu suæ Typograph.) *quæ circumferun-*  
*tur Lexicis Græco Latinis primam imposuit ma-*  
*nam F. Joannes Crestonus Placentinus Carmeli-*  
*tanus; sed quum is sejunis expositionibus (in*  
*quibus vernaculo etiam sermone interdum, id est*  
*italico, utitur) contentus fuisset, persuntoris*  
*item constructiones verborum indicasset, nullos*  
*auctorum locos proferens, ex quibus illa pariter*  
*& significationes cognosci possent, multi postea*  
*certatim multa hinc inde -- inseruerunt.*